

**BOSNA I HERCEGOVINA  
FEDERACIJA BOSNE I HERCEGOVINE  
V L A D A**

**Prijedlog**

**ZAKON  
O IZMJENAMA ZAKONA O JEDINSTVENOM SISTEMU REGISTRACIJE,  
KONTROLE I NAPLATE DOPRINOSA**

**Sarajevo, maj 2015. godine**

## **PRIJEDLOG ZA DONOŠENJE ZAKONA PO SKRAĆENOM POSTUPKU**

Predlažemo da se Zakon o izmjenama Zakona o Jedinostvenom sistemu registracije, kontrole i naplate doprinosa razmatra i donese po skraćenom postupku, u skladu sa odredbom člana 172. stav (1) Poslovnika Predstavničkog doma Parlamenta Federacije Bosne i Hercegovine („Službene novine Federacije BiH”, br. 69/07 i 2/08) i člana 164. stav (1) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH”, br. 27/03 i 21/09), koje predviđaju da se zakon može donijeti po skraćenom postupku kada nije u pitanju složen i obiman zakon.

Ovim prijedlogom vrši se usklađivanje Zakona o izmjenama Zakona o Jedinostvenom sistemu registracije, kontrole i naplate doprinosa („Službene novine Federacije BiH”, br. 42/09 i 109/12) sa kaznenim odredbama Zakona o prekršajima („Službene novine Federacije BiH”, broj: 63/14).

**ZAKON  
O IZMJENAMA ZAKONA O JEDINSTVENOM SISTEMU REGISTRACIJE,  
KONTROLE I NAPLATE DOPRINOSA**

Član 1.

U Zakonu o Jedinstvenom sistemu registracije, kontrole i naplate doprinosa („Službene novine Federacije BiH“, br. 42/09 i 109/12), u članu 30. u stavu (1) riječi: „od 500,00 KM do 50.000,00 KM“ zamjenjuju se riječima: „od 5000,00 KM do 100.000,00 KM“.

U stavu (2) riječi: „od 500,00 KM do 3.000,00 KM“ zamjenjuju se riječima: „od 3.000,00 KM do 20.000,00 KM“.

U stavu (3) riječi: „od 200,00 KM do 1.500,00 KM“ zamjenjuju se riječima: „od 2.000,00 KM do 20.000,00 KM“.

Član 2.

U članu 31. u stavu (1) riječi: „od 200,00 KM do 1.500,00 KM“ zamjenjuju se riječima: „od 1.500,00 KM do 20.000,00 KM“.

Član 3.

Ovaj Zakon stupa na snagu narednog dana od dana objavljivanja u „Službenim novinama Federacije BiH“.

# O B R A Z L O Ž E N J E

## USTAVNI OSNOV

Ustavni osnov za donošenje Zakona o izmjenama Zakona o Jedinostvenom sistemu registracije, kontrole i naplate doprinosa sadržan je u članu III.1 tačka c) Ustava Federacije Bosne i Hercegovine, koji je izmjenjen amandmanima VIII, LXXXIX CVI i članu IV.A.5.20.(1) d) prema kojima je u isključivoj nadležnosti Federacije donošenje propisa o finansijama i fiskalna politika Federacije BiH, a Parlament Federacije BiH uz ostala ovlaštenja predviđena Ustavom, odgovoran je za donošenje zakona o vršenju dužnosti u federalnoj vlasti.

## RAZLOZI ZA DONOŠENJE ZAKONA

Razlozi za donošenje ovog Zakona su jačanje discipline u oblasti prijavljivanja zaposlenika na obavezna socijalna osiguranja i promjena u toku samog osiguranja kao i smanjenje „rada na crno“, kroz povećanje iznosa propisanih kazni za obveznika uplate doprinosa i odgovorno lice, čime se stvaraju pretpostavke za bolju naplatu doprinosa za obavezna osiguranja.

## USKLAĐENOST PROPISA S EVROPSKIM ZAKONODAVSTVOM

Predmet uređivanja ovog Zakona nije usklađivanje sa propisima Evropske unije. Ne postoje direktive i uredbe EU koje regulišu ovu oblast.

## O B R A Z L O Ž E N J E P R E D L O Ž E N I H N O R M I

### Član 1. i 2. (član 30. i 31. Zakona)

Izmjenom članova se povećava iznos propisane novčane kazne, u skladu sa novim Zakonom o prekršajima.

### Član 3.

Odnosi se na stupanje na snagu Zakona i objavljivanje u „Službenim novinama Federacije BiH“.

## FINANSIJSKA SREDSTVA

Za provođenje ovog Zakona nisu potrebna dodatna novčana sredstva u budžetu Federacije BiH.

**ODREDBE ZAKONA O JEDINSTVENOM SISTEMU REGISTRACIJE, KONTROLE I  
NAPLATE DOPRINOSA, KOJE SE MIJENJAJU  
(„Službene novine Federacije BiH“, br. 42/09 i 109/12)**

VII. KAZNENE ODREDBE

Član 30.

Novčanom kaznom u iznosu od 500,00 KM do 50.000,00 KM kaznit će se obveznik uplate doprinosa za prekršaj ako:

- 1) ne podnese prijave osiguranja, odjave osiguranja i prijave promjene u toku osiguranja (član 12.);
- 2) unese netačne podatke u prijave za upis u Jedinostveni sistem (član 12.);
- 3) podnese prijave osiguranja, odjave osiguranja ili prijave promjena u toku osiguranja po isteku propisanog roka (član 14.).

Za prekršaj iz stava 1. ovog člana kaznit će se odgovorno lice u pravnom licu novčanom kaznom u iznosu od 500,00 KM do 3.000,00 KM.

Za prekršaj iz stava 1. ovog člana kaznit će se fizičko lice - poduzetnik novčanom kaznom u iznosu od 200,00 KM do 1.500,00 KM.

Pored novčane kazne počiniocu prekršaja iz stava 1. ovog člana može se izreći i zabrana vršenja djelatnosti u periodu do šest mjeseci s ciljem sprečavanja budućeg činjenja prekršaja.

Član 31.

Novčanom kaznom u iznosu od 200,00 KM do 1.500,00 KM kaznit će se za prekršaj osiguranik koji je sam za sebe obveznik uplate doprinosa ako:

- 1) ne podnese prijavu na osiguranje ili je podnese po isteku propisanog roka (čl. 12., 14. i 15.);
- 2) ne podnese prijavu o prestanku osiguranja ili je podnese po isteku propisanog roka (čl. 12., 14. i 15.);
- 3) ne podnese prijavu o promjeni osiguranja ili je podnese po isteku propisanog roka (čl. 12., 14. i 15.);
- 4) u roku koji je odredila Porezna uprava ne otkloni netačne podatke unesene u prijavu za upis u Jedinostveni sistem (član 17.).

Dobrovoljni obveznik uplate doprinosa ne podliježe plaćanju novčane kazne propisane ovim članom.